

玄天上帝啟聖錄卷之七

流七

小童應夢

越州會稽山東有陽明洞天自文穆王錢氏建立龍瑞宮年深荒廢內有真武殿最為朽墮淳化元年二月一日夜文懿皇后玉華宮應夢見髮頭小童身披皂袍來見皇后云我是越州龍瑞宮道童為本宮貧乏無衣可衣無屋可存身遭暴露惟皇后可以救之他日必來報恩化為光明不見明且具述奏聞時遣使齋香往龍瑞宮察訪內臣闕守道回奏本宮建自唐末經今年深全損一殿真武部從被雨淋日曝推倒在地因省悟前夕之夢是真武顯應來求后宮修整宮殿重興香火之意已奏取聖旨允許皇后發心將粧具奩寶兌換度牒紫衣及金銀等差內臣同委越年限一年重建殿宇及聖像裝彩完備訖忽為皇后染患翻胃四十來日醫理未退忽一日冥然而卧出入息微細相次氣回遂無嘔逆之狀自然平復乃曰適見真武從雲中來謝龍瑞宮並已完葺皇后命雖未大病亦久

矣遂令童子取到一淨瓶一淨盃於瓶內傾出五方甘露玉液於盃中勸令飲之遂覺醍醐灌心胸膈清涼厥疾頓除試開眼又如昨夢不見祇覺口內異香四肢輕爽起居如常以顯靈感國家再致謚言重加勳醮用答神

貺

高聖降凡

益州成都府青城大羅山上清玉華官係國家名山洞天崇福第四處每年有金籙玉符真境道君上昇遣文歲賜恩澤一十二道明道中五月五日成都府樂市成集至初六日須有十方雲水道人競來本宮赴初七日真武昇天齋會常有神仙降臨度人顯化白日上昇時有一道士裙裾下拖一龜尾人謂精怪皆禪避之俄見此人與本州兵馬都監寇通男克明上在高峰之上眾疑被此精怪疑惑領兵眾趕奪其道士化白光不見克明不覺墜下因此矢心斷絕飲食又不言語其父寇通移任元梁城寨主因循七年克明同家屬寄居興元府至慶曆三年五月五日天未

明時克明違家潛迹不見却在益州玉華宮復與舊年帶尾道士同行本宮請二人赴齋至食過祇見克明不見同行道士眾皆驚愕食至第九味有一大龜忽然在克明座下乃乘克明離座直上空虛祥雲四合克明坐龜上昇其父通又於元梁寨見男克明來辭今已授下北極七元勘壽司判官蒙我師真武令大龜乘載朝天矣後成都府申奏今年藥市上昇人姓名准回降指揮取問克明有何功業據寇通具狀稱祇有此男元將錢帛於經過道人處買得為子逐日好修養看老子道德經愛燒夜香朝禮北極常持誦本師真武尊號不食禁忌之物多持齋戒不行纖毫欺曲之事又准中書劄子指揮看詳四方異地常有如斯高聖應迹降凡度人上昇合下成都府建立祠殿令道士焚修立碑為記特封靈顯真君并用靈顯祠為額及契勘克明祖父鄉貫係屬西京乾陵鎮仍就本鎮亦立祠堂

七從借名

尚書刑部郎中知瀛州事高陽關都總管陳
 疇劄奏自前朝興元四年五月內却有北蕃
 郎官伊壽先兄弟七人執到兩界公憑車載
 雜帛香貨五萬餘貫來投推貨務出賣欲將
 賣錢權寄官庫候歸蕃計會後次貨物到來
 般取前去可及一十五年並無消息後因太
 祖登極郊天恰限瀛州缺賞給五萬餘貫無
 計借貸不期本人前來陳狀願將其錢與官
 中支遣賞給從此瀛州委憑借支已得均足
 時高陽關刺史鄭度逐嘆伊壽先等七人取
 問因依所寄此錢即非壽先等財物係興元
 年中太祖仕於世宗時曾為帥守瀛州忽遇
 太白星化為白衣道士勸諫太祖集道德仁
 行向去貴顯非常矣太祖乃曰天曹有何靈
 應助身貴顯道士云沿邊有逆虜叛臣故朝
 廷委託收戮今奸叛潛息皆是北極真武暗
 中護助言訖其道士化白光歸天時太祖就
 瀛州設大醮七晝夜燒獻天曹諸位紙幣外
 燒金紙五萬貫有餘却為天曹點對此項金
 紙五萬餘貫不當受領遂付北極行道係佑

勝院真武牒七元北斗七辰掌計其伊壽先
 七人即是七辰下七從大宋啓運立極蒙真
 武面奏三天詳將元不受醮錢還新宋充登
 極沿邊賞給因差七辰借北蕃廟名為伊壽
 先將錢化買禮寶等物約五萬貫寄州納還
 此去蕃界百里^北有廟名壽先廟係四聖祠影
 其真武部下有七從官各緋抹額著黃袍手
 執青魚腰繫白珊瑚踏皂靴謂五方五色七
 元七辰充真武掌管天下善惡公事即是壽
 先等七人之形相也取問訖壽先等當廳前
 如驟風一陣不見時知通等結罪保奏續降
 指揮先將其錢充支賞給外候別行勘會施
 行

二真顯化

觀文殿學士新差知真定府充河北西路兵
 馬鈐轄兼經略安撫使石光祖因受差路次
 澧州界夜宿圓通寺聞寺中有一道者本是
 鄧州武當縣人姓郭自到寺十五年未嘗與
 人言語祇四季布種新奇蔬菜供備齋廚光
 祖同知事僧夜到其寮乃出迎接歸寮坐道

者忽開言告光祖曰觀文莫赴真定之任緣
 期限已至見面部氣色祇數日事寺僧聞之
 驚疑至來早其道者不見蹤由所有菜子亦
 自變為常種者因而光祖不赴真定就此上
 表求致仕歸趙州遂於此日辰時忽索湯澡
 浴仍換朝服卧於淨舍而終澧州太守發奏
 未到闕而光祖從空化形先至崇政殿下見
 皇帝奏稱臣至澧州圓通寺得遇舊日同行
 郭真人隱身為種菜道者十五年於此候臣
 今當去矣臣光祖乃是北極真武真君下副
 參謀中元真人今郭真人乃是北極檢校使
 其人當墜二七之年臣本謫六十年遇甲子
 復歸元首臣若不辭謝皇帝三十餘年重
 祿優恩於後恐難面聖兼臣有子庭之雖受
 官在身恐愚昧未任事伏望聖慈憫念拜辭
 而隱相次中書進呈澧州所奏頗合適來現
 化事意分明仍贈太子少師并就澧州圓通
 寺立其顯化石郭二真人殿宇奉聖旨改圓
 通寺為勅賜隱真承天觀仍立碑記

索錢二萬

衡州衡山南嶽嵩陽觀係唐賢柳宗元施財
建立真武殿閣一所工巧高聳本路第一自
住持吳筠以後本閣收到逐日看經開殿施
利錢二萬餘貫日漸聚積前任發運副使錢
操摩畫申奏權借真武閣收到施利錢二萬
貫分往潭澄等州充上供雜本錢操繼五年
再行發運事忽有道士投狀稱是南嶽嵩陽
觀徒弟爲真武閣損漏欲重新修造告索前
來借錢二萬貫操云此是國家借用何緣要
索投狀復還况嵩陽觀真武閣本是基址弘
壯焉於近日自然斜側亦無徒弟往運司陳
狀理索其錢操從此染患遍身白癩疼痛呻
吟遂退官半年忽夜夢見南嶽道士吳筠帶
領神人趕索二萬貫借錢操方省悟特產業
出賣盡數支還元錢願求保安身位纔起此
心癩病漸除亦不夢入索錢不逾月安愈親
往嵩陽觀禮謁真武未般錢入觀其閣尚猶
斜側至送入本觀了當一夜風雨大雷一振
其閣聳直如故錢操復官爲翰林面奏上項
感應事迹奉聖旨賜南嶽嵩陽觀加贈真武

閣勅額靈驗金字牌等如後積聚錢物官司
不得借充

翻鈔四千

饒州鄱陽縣明化官道士費宗古因隨師朱
世元往洪州俠道山從此覺悟潛走西川雲
遊八年至大中祥符五年十月內爲明化官
遺火焚燒罄盡祇有東廊一小殿身存乃是
真武殿並無煙焰痕迹忽准本州關報仰收
官錢四十貫文抵擬支還明化官黃宗古係
在京先納寄庫鈔子錢格造明化官使用既
承指揮勾集明化官道士朱世元等取問稱
本官雖有徒弟黃宗古雲遊八年不知存亡
那得預知本官遺火因何有錢在官難便信
憑不逾旬日黃宗古親執饒州翻換便錢公
憑歸來并更有金銀祠部約一千餘貫謂師
主曰昨棄師雲遊入梓巖山逢一道人邀宗
古到草庵中對話貧道有願在心終未能了
聽吾屬付吾知饒州鄱陽縣明化官至祥符
五年十月內爲火德星君躡入陳園分野正
照饒州一郡縣鎮同時合遭火災蒙真武回

奏北帝及火星曰饒州地善人慈今當火運
伏望聖慈哀憐減降今觀近郭鄱陽縣有明
化官內三清大殿後壁畫饒州諸縣境邑地
里圖若將明化官不害道衆焚毀祈當一郡
火災必須應禳得過火星聞此不敢拒違自
問真武曰此處曾有真君香火殿宇無答曰
有因而歎念真君乃
金闕上清老君弟子應屬森羅天主候明化
官降火日當爲存留本殿也至時道行奔走
避免竊恐無人與續官庭可請宗古去汴河
一帶緣化真至東京聚蓄錢物歸鄉修葺吾
乃鄱陽故人候歸明化却得相見遂遣宗古
離庵行數步回視更不見庵亦無人跡宗古
恍然如雲霧間出得梓巖復到泗州汴口從
此將隨身西山十二真君籤一百二十道手
携真武影幘發心起費籤卦每一籤四文道
術盛行逐日般費之外常有五七百金所得
籤錢逐處買金銀寄附前後經六年約聚錢
及五千餘貫寄留五嶽觀忽一日路逢饒州
商販之人來報宗古稱明化官遭火燒盡所

以將上件錢物就在京納於官庫出給鈔子憑據候歸饒州鄱陽縣支會及至歸鄉其宮果遭火災惟留真武一殿宗古又自細認本殿立身真武面部與在梓巖山相遇道人無異道士朱世元等遂赴鄱陽縣請領元寄納鈔子錢及將到祠部之類出賣不逾五年鼎新復建明化宮一所了畢據黃宗古從始至末其前項緣由經饒州陳請別行記錄其時知饒州謝懋等特具保明申奏朝廷後承回降改明化宮為寧安宮其道士黃宗古號通樣大師賜紫并舊存真武殿加賜護國二字。

水雲護友

單州求食婦人楊素真因在京散祿右職袁清往來其家見伊別無親屬却有奩具等物遂誘引離鄉泛舟孟陽湖夜宿葦岸袁清飲醉素真推墜深潭謂伊必已沉死急喚稍公等人言縣君因醉渴叩船取水失身墜落却令移蹤撩救虛發哭聲速要回州作功德追薦既到濮州將素真奩物約千餘貫典賣互用在此居房半載忽於街市見一布衣婦人

念經求化袁清見之將謂是楊素真魂魄嗾口不能言當時素真叫報廂巡解送州府下所司根勘據袁清招伏因問素真如何得命次到濮州稱自祖任班行不幸父母亡歿因居單州流落風塵雖身係娼婦而心實慕善常時供養真武逐日看誦道經後於天慶觀求施金書小字真武妙經一卷用絳帛袋子帶在髮根頭縷內不曾離棄是夜被袁清推落急水中但覺如雲霧身泛虛空頭頂上似有鬼神光輪旋轉叫云護持寶笈至天明神鬼散去不覺身在湖岸草徑全身濕透惟所繫金書經符不濕在近人家憐憫素真喚引歸家整敕蘇醒詢其所在却是孟州界分從此賣衣裳換布素誦道經求日給因經歷河陽濮州不期遇此冤家若當其行意之際無警內之經即永沉水底作無主屈死孤魂有何出期今濮州看詳袁清情法二重具奏朝廷准中書批狀其袁清不許用官引赦依法施行素真請得餘剩物件充買祠部改名仲嚴投禮慈慶宮女道士湯晉通出家披戴從

此發心出街緣化建造三清七元二殿及祠真武寶閣天宮慈化轉輪法藏依金書救得自身真武經本子印施五千卷又蒙宰相向公具奏奉聖旨楊仲嚴特賜紫服并賜慈慶大師號仍改賜宮額為護聖宮

風霧卸函

駕部郎中王袞致仕歸宿州因悟殺生發心寫道經一藏募到陳方等十四人逐日對真武像前各令精潔端楷不誤一字內有周惟吉敏捷稍倍寫於餘人驀然惟吉右手患風筋脉拘急用筆不前其經卷不住裝寫漸得成辦陳方等十三人寫下經卷各曾對校唯周惟吉一十七函為王袞憑託本人更不勘讀一例裝入函當來發心捨入太清延福宮緣本宮係內道場合先奏聞蒙聖旨差到內侍任奇等監送延福宮為未有正藏權寄真武殿安著纔開殿門忽有黑霧遮障狂風旋轉良久風霧雖息用案排疊經函忽有全函卸落累次裝疊不住王袞遂將卸下經軸看觀俱是周惟吉所寫王袞驚聞人在身畔言

云盡是作偽貪工漏落因緣功德不備又無人在左右祇有泥塑直符背立王衣自知非理遂借真本勘對脫落稍多就覓書生填寫捕換再排入殿內其周惟吉所患右手瘡腫膿蛆滴瀝緣市求丐稱云因與王郎中寫藏經欺曲瞞隱誤賺因緣見獲果報時內侍任奇等知得因依入內面奏奉聖旨就延福宮建造藏殿安著王衣所進道經

籤詞應驗

雍熙中越州大禹廟祝詞令官楊昉一生供養真武常為州民燒獻香紙保來事無不應時戶部侍郎陳疇守越州忽蒙急詔赴闕陳疇疑懼未決吉凶乃喚陰陽人占問從人取覆有楊昉事奉真武詳解籤詞最可准託尋往乾明觀真武觀抽得黃真君第四籤楊昉消詳云此籤主一百二十日內惡死切勿不可向東北鬼門上受權勢及為旌旆統領行軍陳疇大恐將楊昉枷禁候一百二十日有鐵果災禍情願將一官奉換楊昉恩澤若限外無事即仰本州勘招擅與扇惑前後取財入

已論賊依法編配其後限過已久越州准勅陳疇到闕授鄆州安撫兼本路兵馬鈐轄收齊州虎頭山何清等逆黨時受勅未去間思惟楊昉斷籤雖未全應似有驗緣鄆州正是東北鬼門又充本路鈐轄亦是統攝兵馬旌騎之意因朝辭面奏前項因依逐徑往虎頭山收何清等却於前路過夜遣何清等迎敵軍隊衝敵時夜黑乘馬奔走被馬蹶蹄墜於深濠自知其身如被垂髮神人連馬提起在岸復尋元路就佐官軍馬次日整頓前進逐斬幾何清等逆黨却回京師不赴鄆州差違從此驚恐失心染患毒醫再進劄子奉奏楊昉元定危難全賴真武救護以此保奏賜楊昉前項恩澤仍令越州就郭立真武殿宇陳疇自備俸錢就乾明觀修齋設醮報謝真聖

相術指迷

宥州致仕駕部郎中王哀再蒙詔充國子司業遂於家堂回奏真武求籤得言乃進程忽

於汴河塘岸過一道士祇揖稱攻神相王哀邀上船獻茶乃問高隱何地道士云是華山雲臺觀徒弟姓裴王哀以一百二十金欲求一相裴道士云氣色喜盛須還編撰衣曰見受司業亦係國家制撰又問官職位壽所至道士便起上岸回首云但記在後不可受史閣之職與庚辛方為事若受之主死於餓雪骸骨不收道士向東而去更不受賈王哀不以為事後因西域不寧時全臺保舉王哀可充奉使其王哀元授駕部守司業令權御史大夫充天章閣待制哀甚有喜色忘却道士之言連遲至西鄙蕃君李萬全宴會間出言相諷累遭玷辱將及出界回國慮負辱責却說誘從人潛馬走入羊山連被雪壓向巖穴中旬日不食忽見裴道士再來曰吾非凡人乃汝供養真武也汝若依吾指教莫授御史大夫天章閣之職則事亦可免庚辛則西蕃方所害中當餓死正是今日為之奈何吾且去矣哀悔已不及遂死於羊山骨殖拋棄從人忘命歸國有司取問進呈契勘王哀本非

奉使不功乃屬前定若真武相術明指迷徑自不知避故喪其命其生前權借授御史大夫充天章閣待制今來更不追還贈同正賜并依品官例支賜招魂禮葬

胡清棄業

東京咸平縣胡清賣熟食為業因五月五日燭殺鷄鵝偶然刀在手中寸折物命不死刀反傷手湯湧出鑊胡清自知殺害禽畜非理因此棄業欲走上京別求營生在路值夜又遭大雨入一古廟避雨止宿約三更以來見一披髮仗劍金甲神人叫起胡清還知有無數物類冤魂隨汝左右今不敢入此門來汝後尚有三十年天祿切自愛護言訖踏龜蛇向空而昇清遂驚起覺天明月明回看廟中並無塑像并畫相祇有一碑額名鎮國真武之祠及到京師月餘曩足罄盡思惟在路廟中真武鳴言向去三十年天祿此意除是充軍於是就驍勇習武藝不過二年遇國家殿試呈過弓馬鎗棒等種種絕倫於一千人中蒙御筆點為第一先賜三班殿侍出身又宣

臨殿降問有何異術并何處習武藝如此精熟胡清具奏遇神人露現鳴報今日之事一應驗從此又加轉三班奉職久任邊庭轉至作坊使曾任潤州都大巡檢胡清終身侍奉真聖香火

仲和辭吏

天聖八年京西許州吏人楊仲和差往蔡州勸鞠枉法斷朱惜姐臂杖十三後承勘官通判徐沂理會課績轉官未該酬獎在許州天慶觀設醮保助轉官請道士裴君史拜奏音詞君史手擎音詞拜伏案左約二時方與徐沂云謹齋詞文詣玉皇金闕投進方到三天門下遇見北極紫微大帝領佑勝院善惡副判真武靈應真君奏事見君史來投徐沂音詞蒙真武賜言曰徐沂勘蔡州錢舉等藏匿家財二十餘萬計屬官司枉法勒有分親弟為外姓被楊仲和將干證人朱惜姐故入杖罪為有此負屈所以陰空不令從許見今定楊仲和等罪惡欲呈奏

五皇令君史就此投下音詞急回自後徐沂任滿離去楊仲和從此辭棄吏門歸家誓修善事解脫罪惡因贖得真武聖幘三時香火長齋稱念真武尊號逐日接待僧道及孤貧或有人家死亡無力津送仲和即典賣物件出錢津送自此家道淪落妻孥死亡又將幼子賣與李貧外家得錢六千亦施與人州郭有居士之稱經二十年皆藉親知照顧遂居僻巷一心供養真武忽遇一貧道人相過曰汝本吏人罪惡如故何得悔悟棄家守貧奉聖無怠觀汝悔心必感天宥貧道有一冊文字借汝傳之此術可以資身囑付畢道人忽不見仲和開視乃西山十二真君籤仲和遂置竹籤一百二十竹筒盛之真武像前不及旬日民俗翕然來占靈驗如神如求一籤必當三五十金或留一百文相酬至於州官俱來求問忽有本州新任司戶李成道尋訪楊仲和稱是所生父七八歲時賣與鄰家李輔之十三上受所養父祖李中立侍郎奏陰恩澤十九上銓試注授本州司戶因知骨肉並

死獨有親父楊仲和所以令人尋認皆稱近亦亡歿所有衣物除葬送支用外盡抄劄入官李成道聞此涕泣遂於寺觀修建功德薦悼一日李成道黃昏獨坐書院中見一老人道裝立於空中謂曰吾即汝所生父楊仲和矣汝身受貴汝宜忠正吾因悔過皈依上真得真聖傳授西山十二真君籤拯濟衰朽今已壽終蒙東嶽照牒稱諭仲和身心正直投麻漢注祿判官又蒙真武授記候此差遣了當許為七元勾當吾祇有一事未滿心願吾生前供養真武幘像并籤供具什物沒官見在軍資庫塵垢之處可收取上件聖像等物歸家志誠供養必助汝善果言訖潛隱不見後官司估賣其物成道贖得於解宇逐日供養忽一日朝廷遣內臣袁良弼因皇后久患心氣齋香往武勝軍仙園山投獻金龍玉簡法醮經由許州同知州羅宗孟因見衙庭西南有紅光罩蓋屋宇令人探問稱是司戶廳有官負士庶燒香瞻着一舊畫真武像并籤一筒紅光罩定不散時羅宗孟同袁良弼往

看良弼試將投龍聖意祈籤抽得鍾真君第十大吉籤良弼親錄奏聞緣文母太后已得夢漸安據錄進靈籤却與應夢同意行下許州取會後李成道被本路提刑余斌用威勢迫脅求真武幘像并具事什物纔到越家畫絹片片零落化為蝴蝶飛向空中所有竹籤一筒先蒙朝廷索去今大內寶應閣下者是也其成道奉聖旨許還本姓楊轉授光祿寺主簿仍贈楊仲和為悟本府君楊成道纔得轉官亦死今許州見存楊府君父子祠堂祈求有感

良嗣感祥

荆南府左班殿直孫良嗣一生供養真武委有精虔常獲神呪因觀俗屢多殺物命每自思惟皆是輪回何忍為之常出市肆見人携賣有命之物使須買歸或飛禽用籠罩或魚鼈用水器聚養至天明人未起取出拋放經十五年良嗣自然達理悟性凡所作為並有奇感人皆號曰孫先生忽一日無病而卒卜葬荆積山南開墳有眾鳥銜泥裝壘土塋地

穴出水池化生魚鼈地生芝蓋下柳時有五色彩雲罩映四向荆南府應係官廡僧道盡集墳所以香花燭蓋螺鈸法事粗獻時知府諫議大夫章庭老亦崇道奉真步至墳前有一小竅現出龜蛇盤旋喜躍乃知孫先生終歸址極真武之佐矣應現靈物移時自然不見州府地境既有異人感諸佳祥理當具奏朝廷續准中書劄子令於孫先生墳所造廟刊碑記其聖應行狀贈孫府君廟為額

玄天上帝啟聖錄卷之七